

ՄԻ ԴՐՎԱԳ ԶԱՅ ԱՌԱՍՊԵԼԱԲԱՆՈՒԹՅՈՒՆՑԱՆ

Ռաճասիր. գիտ. դոկտոր Ս. Բ. ՆԱՐՈՒԹՅՈՒՆՅԱՆ

Հովհան Ավետարանչի առասպելախառն պատմության մեջ՝ Պրոխորոն (իմա՝ Պրոխորոս) դրբում, որ միջնադարում թարգմանվել է հայերեն, ըստ Ղևոնդ Ալիշանի հանդիպում է Առնակ անունով շար հոգեառու։ Կիևոպաս անունով կախարդը ապառնալով ասում է. «Առաքեմ Առնակ շառ ի տուն՝ յորում է, ե պահանջեմ զհոգի նորա ի նմանէ»։ Փոքր-ինչ հետո նույնը կրկնվում է դեի բերանով. «Առաքեմ Հրեշտակ շառ, ե պահանջեմ զոգի նորա ի նմանէ»։ Ալիշանը եզրակացնում է. «Եթե ուրիշ ավանդութենե ծագած չէ այս անունս (Առնակ—Ս. Հ.), որ լսվի հին Հայկազն նահապետաց մեջ այլ (նկատի ունի Մովսես հորենացու հիշատակած հայոց նահապետների շարքը—Ս. Հ.), Կրողի պես առող նշանակե, ե միևնույն կրլլան Առնակն ե Կրողն կամ Գրողն ե Հրեշտակն շառ»։ Ուրեմն, ըստ Ալիշանի, Առնակ, Գրող (Կրող) ե շար հրեշտակ՝ հոմանիշ անուններ են ե նշանակում են շար հոգեառու։

Առնակ անունը, ըստ Հր. Աճառյանի, ասորերեն *harnāga* — շնագայլ-բառի հայացած ձևն է, փոխառված ասորերենից²։

Կիևոպաս կախարդի անունը, որի ծառայության տակ է Առնակ շար հոգեառու, հունարեն *κρυπτο-*ն է, բաղադրված *κρυπ-* շուն ե *ωπει-* աչք բաներից, որ նշանակում է շնաչլա, շնահայաց, նաև՝ անամոթ, լիրբ, մի մակդիր, որով բնորոշվել են հունական վրեժխնդրության դիցուհիները՝ էրինները³։ Վերջիններս ստորգնեայա աստվածություններ էին, բնակվում էին Աիդի մահվան թագավորության մեջ, սարսափելի տեսքով պառավներ էին, հաճախ ծնունդ էին առնում գիշերից ե երկիր էին բարձրանում վրեժխնդրություն, շարություն, խելացնորություն հարուցելու⁴։ Նրանք իրենց արտաքինով ե արարքներով հիշեցնում էին հայոց գիշերամայրերին։

Պրոխորոն գրբում նկարագրված Կիևոպաս վհուկը հավանաբար մեկն էր էրիններից, որի ծառայության տակ էր գտնվում Առնակ շնակերպ հոգեառու։ Կիևոպաս (Կիևոպիս)—շնաչլա, շնահայաց անվան իմաստը միանգամայն համախոս է նրան ենթակա Առնակ-շնագայլ շար հոգեառու, որի անվան իմաստն ու հիշատակը պահպանված է հայ ժողովրդական ավանդության մեջ։ Վանի, Բայազետի, Ալաշկերտի ժողովրդական պարսավանքի խոսքերում մայ-

¹ Ղ. Ալիշան. Հին հավատք կամ հեթանոսական կրոնք հայոց. Վենետիկ, 1895, էջ 227—228.

² Հր. Աճառյան. Հայերեն արմատական բառարան. հ. 1, Երևան, 1971, էջ 261։ Աճառյանը *harnāga* անվան բացատրությունը բերում է Բրոկհուսի «Lexicon Syriacum» (Ռեդի, 1895) բառարանից. բառը վկայված է X դարի ասորերենի բարբառներից ե XIII դարի ասորական դրականությունից։ Բառը իր բաղադրիչներով մեզ թվում է ոչ սեմական, այլ հնդեվրոպական՝ (*h*)arri-aga, Arri- արմատով բազմաթիվ հնդգոյն տեղանուններ ե անձնանուններ կան։ Վկայված է՝ Հին Փոքր Ասիայում, ե՝ Եվրոպայում (տե՛ս Ա. Ա. Грядиц. Язык древнейшего населения юга Балканского полуострова. М., 1964, с. 93—95), ծավալ, arri-ը ցարդ չու՜ի գիտականորեն վերջնական ու հուսալի ստուգաբանություն։ Իսկ *ga-* ածանցը շատ բնորոշ է հնդիրանական լեզուներին (տե՛ս Գ. Ղափանցյան. Արա Գեղեցկի-պաշտամունքը. Երևան, 1944, էջ 31)։

³ Δ. Δημητράκου. μετὰ λεξιχόν τῆς Ἑλληνικῆς Γλώσσης. Τόμ 5, Αθήναι, 1951, 4193.

⁴ Мифы народов мира. Т. II, М., 1982, с. 666—667.

բերը հաճախ իրենց շար գավակներին պարսավում էին «առնակա շուն», «առնակալին երեսա», «առնակավոր», «առնակավոր շներ» կամ էլ՝ «դժոխքի առնակավորներ»⁵:

Շիրակում առկա է անգամ «էրեսդ առնակավոր շները լիզեն»⁶ անեծքը, ուր փոխանունությամբ անիծվողին մահ է ցանկացվում՝ և այն ներկայացվում է առնակավոր շների (= շար հոգեառներ) կողմից դեմքը լիզելու առասպելական պատկերով:

Բանավոր ավանդության մեջ պահպանված այս վկայությունները մի կողմից հաստատում են միջնադարում հայոց մեջ Առնակ անունով հոգեառի հավատալիքի գոյությունը, մյուս կողմից հավաստում Առնակի շար հատկանիշը, նրա շնակերպ լինելը կամ շուն ուղեկիցներ ունենալու պարագան («առնակավոր շուն», առնակավոր շներ» դարձվածներում):

Հունական առասպելաբանության մեջ ստորերկրյա աշխարհի հետ կապված Հեկաթե դիցուհին պատկերացվում էր սև շան կերպարանքով, որը այս ու այն աշխարհում իրենց հանգիստը չգտած մեռելների շնակերպ հոգիների ոհմակով շրջապատված, շրջում է գերեզմանոցների մերձակայքում և ահ ու սարսափ տարածում: Ուելսում հավատում էին մահվան ոգու (Gwynn ab Nudd) գոյությանը, որին երկրի վրա ուղեկցում էին կատաղած շները⁷: Հայոց մեջ, հավանաբար, նույն կերպ է պատկերացվել նաև Առնակ հոգեառը՝ թե՛ իբրև շնակերպ և թե՛ իբրև կատաղի շներով ուղեկցվող⁸:

Հոգեառի կամ անդրաշխարհում հոգիների ուղեկիցների շնակերպ պատկերացումը գալիս է հնից և առկա է հնդեվրոպական (և ոչ միայն հնդեվրոպական) մի շարք ավանդություններում⁹: Հին հնդիկների հուղարկավորման մի օրհներգում, նվիրված մահվան թագավորության տիրակալ Յամային, հանդես են գալիս երկու քառաչքանի, լայնապինի, խայտաղղետ շներ, իբրև Յամայի պատգամաբերներ: Նրանք վեդայական մի այլ հիմնում (VIII, 1, 9) կրում են Շյամա և Շարալա անունները: Այդ գույգ շները հսկում են Յամայի ուղին. Յաման բնակվում է վերին երկնքում, ուր մեռածների հոգիները Յամայի հետ նստած են խնջույքի: Յաման «մարդկանց մեջ փրկություն է նրանց, ովքեր պետք է իրեն պատկանեն և մահվան ճանապարհով նրանց տանում է իր տիրակալությունը»: Այդ որոնումները նա կատարում է իր գույգ շների միջոցով, որոնք կոչվում են «կյանքի առևանդիչներ»:

⁵ Ազգագրական հանդես. գիրք XXVI. Թիֆլիս, 1915, էջ 56, նաև՝ իմ անձնական գրառումներից:

⁶ Ա. Գ. Մխիթարյան. Փշրանքներ Շիրակի ամբարներից.— Էմինյան ազգագրական ժողովածու, Ա, Մոսկվա—Ալեքսանդրապոլ, 1901, էջ 135:

⁷ Տե՛ս Բ. Ա. Л и т в и н с к и й, А. В. С е д о в. Культы и ритуалы кушанской Бактрии. Погребальные обряды. М., 1984, с. 163.

⁸ Միջնադարից սերող և XIX դարում վանում վիճակի երգի վերածված մի հայրենում պահպանվել է անգամ շնակերպ պառավի թևերն առավել հին ու ամբողջական նկարագիրը.

Քուն քնայ, վեր ելայ, թուխ ամպ մը կը ցուր.

Իմ եարն ինի քուն տեսայ, Մարգրտի ծածկոցն էր վերէն:

— Ծարի՛կ, վե՛ր իլի, վերև նստի՛ իմ սէր բու սէր մօտենայ.

Ձեռ վերո՛ւ, աստված կանչէ՛, Շեգլիսիկ պառվիկ վերաճայ.

Իմ սէր բու սէր մօտենայ, լաբս, հան վիճակն ի բարին (Ս. Արեղյան.

Դուստնական ժողովրդական տաղեր. Երևան, 1940, էջ 288): «Շեգլիսիկ պառվիկը» (= շնագուլու պառավ) հնագույն պատկերացումն է, հավանաբար, կինոպաս—շնաշյա լրինների, որոնց կարևոր ֆունկցիաներից մեկն էլ կանանց կամ նրանց մայրական իրավունքի պահպանումն էր (տե՛ս Мифы народов мира. II, с. 667): Երգի հերոսուհին խնդրում է իր քնած սիրեկանին արթնանալ, աղաչել աստծուն, որ շնագուլու պառավը (կնոջ վրիժառու պահապանը) մեջտեղից վերանա, որպեսզի իրենք կարողանան իրենց սերը վայելել:

⁹ Տե՛ս В. М и л л е р. Значение Собаки в мифологических верованиях. М., 1876, с. 12—13.

Հուդարկավորման հիշյալ հիմնում (Ռիգվեդա, X, 14, 10, 11) դիմում է արվում հանգուցյալի հոգուն.

Դետապի՛ր Լրկու ջան կողքով՝...
Քառաշքանինների, խալտաբղետների, ճշմարիտ ուղիով,
նվ հասիր հայրերիդ, որոնց դուրին է գտնել.
Նրանք զվարճանում են Յամայի հետ ընդհանուր խնջությամ:
Քո դույզ շները, ո՛վ Յամա, պահապաններ են,
Քառաշքանի, ուղի պահպանող, մարդկանց հսկող.
Նրան նրանց հանձնիր, ո՛վ արթա,
նվ նրան հաջողություն ու առողջություն տուր¹⁰:

Քանի որ Յաման և մեռելների հոգիները բնակվում են վերին երկրներում, ուստի պետք է ենթադրել, որ Յամայի պատգամաբեր շները երկնքից են իջնում Լրկիր, մարդկանց մեջ փնտրում մեռնողներին և նրանց հոգիները ուղեկցում Յամայի ճանապարհով դեպի երկինք: Սա մոտավորապես նույնն է, ինչ, փոքր-ինչ հետո կտեսնենք, իրանական ավանդության մեջ երկնային շների պատկերացումը:

Առավել ուշագրավ է իրանական ավանդությունը, ուր պահպանվել են շան մասին թե՛ առասպելաբանական հավատալիքների և թե՛ մահվան ու թաղման ծիսական արարողությունների հետ կապված որոշակի տվյալներ: Ըստ Ավեստայի՝ Լրկու շուն հսկում են Չինվաթի կամուրջը (հմմտ. հայկական Մազե կամուրջի հետ), որի վրայով անդրաշխարհ է անցնելու հանդուցյալի հոգին (Վիդեվդատ, 13, 9): Մեկ այլ հաղորդմամբ՝ երկու շուն ուղեկցում են Լրկնային կույսին, որը Չինվաթի կամուրջի մոտ դիմավորում է արդարևորի հոգիներին (Վիդեվդատ, 19, 30), իսկ Բունդահիշնայում (30, 1, 1) վկայվում է, որ Չինվաթի կամուրջի մոտ է գտնվում գերբնական շունը: Իրանի արդի գրադաշտականների պատկերացմամբ Չինվաթի կամուրջի մոտ են հավաքվում շար ու բարի ոգիները՝ տիրելու հանգուցյալների հոգիներին: Երկնային շները պաշտպանում են հոգիներին շար ոգիների հափշտակումից: Նույն կերպ երկրային սովորական շները պահպանում են մարդկանց հոգիները երկրի վրա բնակվող շար ոգիներից: Ով երկրի վրա բարիք է գործել շներին՝ համապատասխան հատուցումը նրանցից ստանում է անդրաշխարհում:

Իրավացիորեն նկատված է, որ իրանական առասպելաբանության մեջ շների նկատմամբ առկա է երկու ընկալում՝ Չինվաթի կամուրջը հսկող երկնային շների և մարդկանց պահպանող երկրային շների. վերջիններիս էլ մասնակից են դարձնում ծիսական որոշակի արարողությունների: Նախ՝ Իրանի արդի գրադաշտականները, նախքան ուտելը, պարտավոր են ամենից առաջ շանը կերակրել, ընդ որում ընտիր ուտեստեղենով: Իսկ ծիսական արարողությունների ժամանակ քուրմը կամ ծիսական մաքրության մեջ գտնվող ընտանիքի անդամներից որևէ մեկը շանը մատուցում է ծիսական կերակուր՝ ծիսական ամանով: Ուշագրավը, սակայն, թաղման արարողությունների ժամանակ շանը հատկացվող դերն է: Հնում գրադաշտականները հանգուցյալի հետ կատարում էին սագդիդ (շնագիտում) կոչված արարողությունը: Քուրմը հանգուցյալի մոտ էր գալիս շան ուղեկցությամբ. հանգուցյալի կրծքին նախապես դնում էին երեք կտոր հաց, ապա շանը մոտեցնում ընդհուպ հանգուցյալին, շունը ուտում էր իրեն հատկացված հացի կտորները: Սագդիդի արարողությունը կատարվում էր երեք անգամ. երկրորդ անգամ՝ հանգուցյալին ցույց են տալիս շանը դիավազումից և պատանքավորումից հետո, հանգուցյալի դեմքը բացելով, իսկ վերջին անգամ՝ դիակը պատգա-

¹⁰ Śk' R̥igveda: Izbrannye gīmy, perevod, kommentarij i vstupil. stat'ja T. J. El'nazar'kovoju. M., 1972 (տե՛ս X, 14-րդ հիմնը, էջ 199 և մասնավորապես S. Ելի-դարենկովայի ծանոթագրությունները, էջ 353—356).

բակի վրա դախմա (զրադաշտականների հանգստարան) ներս տանելուց առաջ: Գրեթե միևնույն արարողությունը կատարում են նաև Հնդկաստանի կրակապաշտ պարսերը, միայն նրանք ընտրում են այնպիսի շուն, որի աչքերի տակ աչք հիշեցնող պուտեր կան. նման շանն անվանում են «չորսաչքանի» (սլաթրուշաժա), հմմտ. վեդայական քառաչքանի շների հետ): Շան ծիսական կերակրումը շարունակվում էր նաև թաղումից հետո եռօրյա տարբեր արարողությունների ժամանակ¹¹:

Ստրաբոնի վկայությամբ սոգդիացիք ու բակտրիացիք իրենց զառամյալներին ու հիվանդներին գցում էին հատուկ ընտրած շներին՝ հոշոտելու Այդ շներին նրանք անվանել են «գերեզմանափորներ»¹²:

Շների հետ կապված մահվան և թաղման ծիսական արարողությունների հետքերը պահպանվել են Միջին Ասիայի հին իրանական ցեղերի (բակտրիացիներ, սոգդիացիներ) մ. թ. ա. I հազարամյակի կեսերով թվագրվող թաղումներում: Դրանք մեծ մասամբ առանձին թաղված շան գլուխներ են (հիմնականում ծիսական անոթների մեջ դրված) կամ էլ ամբողջական շներ: Դամբարաններում զոհաբերված այլ կենդանիների ոսկորների հետ հայտնաբերվել են նաև շան ոսկորներ, երբեմն էլ մարդու ոսկորների կողքին՝ շան ծընոտ: Իրավացիորեն նկատված է, որ շների նմանատիպ թաղումները ունեցել են զոհաբերական բնույթ¹³, այսինքն՝ շունը հնում եղել է ծիսական զոհաբերության կենդանի և հաճախ զոհաբերվել ու թաղվել է առանձին:

Թերևս ծիսական առանձին խումբ է կազմում տիրոջ (մարդու) հետ շուն կամ շներ թաղելու սովորույթը, որ առավել հաճախադեպ է Միջին Ասիայի սահմաններից դուրս և առկա է Մերձդնեպրյան, Ղրիմի և Թամանյան թերակղզու սկյութական թաղումներում, ինչպես՝ նաև Նեպոլիի սկյութական դամբարանում¹⁴:

Ծիսական այս զույգ սովորույթի (զոհաբերված շան գլխի առանձին թաղման և մարդու հետ շուն կամ զոհաբերված շան գլուխ թաղելու) հետքերը պահպանվել են նաև Հայկական լեռնաշխարհի հնագույն և անտիկ ժամանակաշրջանի մի քանի թաղումներում: Մ. թ. ա. XIV—XIII դդ. թվագրվող Արթիկի դամբարանադաշտի № 100 դամբարանում սև, կոկափայլ խեցե մի թասում հայտնաբերվել է շան գանգ, առանց մարդկային կմախքի հետքերի¹⁵:

¹¹ Տվյալները համապատասխան աղբյուրներով տե՛ս Բ. Ա. Литвинский, А. В. Седов. Указ. соч., с. 165—167: Ի դեպ արևելափրանական լեզուներում շունը կոչվել է *kutī (հմմտ. հայերենի տարրեր բարբառներում շանը կանչելու կամ դիմելու Բուրի կամ Բուր փազաբշական ձևերի հետ): Առավել ուշագրավը, սակայն, այն է, որ Ավեստայի լեզվում շունը կոչվում է spā(n)- կամ spānəm ձևերով (հին հնդկերենում *spaka), որը համեմատելի է հայերեն սպանեմ (մեռցնել), սպանդ (մորթել, զոհաբերել) բառերի հետ: Առասպելախմաստարանական և հնչյունարանական առումով խիստ գայթակղիչ է հայերենի սպան- արմատը բխեցնել հին իրանական, գուցե և հնդիրանական sṇa(n)—շուն արմատից, սպան-անել, նախնական առումով իբրև շանը հանձնել, առասպելախմաստարանական այն նույն հիմունքով, ինչ տեսանք վերևում, մանավանդ, որ ավեստերենում *spān վերակազմված ձևը նշանակել է սպանություն (հմմտ. Հ. ր. Ա ճ ա ո յ ա ն. Հայերենի արմատական բառարան. հ. 4, Երևան, 1979, էջ 259 և հտ.: Յ. Գ. Туманян. Структура индоевропейских имен в армянском языке. М., 1978, с. 214, 216; Բ. Ա. Литвинский, А. В. Седов. Указ. соч., с. 165):

¹² Տվյալները տե՛ս Գ. Տ եր - Պ ո ղ ո ս յ ա ն. Նախնի հայոց հոգեպաշտական շրջանից.— Հուշարձան, գրական ժողովածու. Վիեննա, 1911, էջ 236:

¹³ Տե՛ս Բ. Ա. Литвинский, А. В. Седов. Указ. соч., с. 161—162.

¹⁴ Նույն տեղում, էջ 162:

¹⁵ Կ. Ս. Хачатрян. Армянский некрополь. Каталог. Ереван, 1979, с. 7, 14, 34, 153 (П—100). Ի դեպ, այս թաղումն անհամեմատ ավելի վաղ է, քան մինչև այժմ Միջին Ասիայում և Անդրկովկասում վկայվածները: Միջին Ասիայում ամենավաղը թվագրվում է մ. թ. ա. I հազարամյակի կեսերով, իսկ Վրաստանում (Ղիթեթիում և Սամթավրոյում) հայտ-

Իսկ Շիրակավանի մ. թ. ա. II—մ. թ. I—II դդ. թվագրվող դամբարաններում հայտնաբերվել են շան կամ շներով թաղման մի քանի դեպքեր: Դամբարաններից մեկը կարասային թաղում է շան կմախքով, երկուսում՝ մարդու կողքին թաղված է մեկ կամ երկու շուն, իսկ մեկում՝ մարդու գլխի տակ թաղված է շան գլուխ¹⁶:

Շան կամ շներով թաղման հնագիտական այս վկայություններն, անշուշտ, համախոս են հին հնդկական և իրանական վերոբերյալ հավատալիքներին ու ծիսական արարողություններին, հետևաբար ենթադրում են դրանց մեկ ընդհանուր, թերևս վաղ հնդեվրոպական միասնական ակունքից սերելու հավանականությունը: Վերջինս հավաստվում է հեթիթական ավանդության մեջ թագավորի և թագուհու՝ աստվածներին մարդու (ռազմագերի) հետ շուն կամ շան լակոտ զոհաբերելու ծիսական արարողությամբ, որի առավել ուշ դուգահեռներն են հռոմեական լուպերկալիա (գայլաբերում) կոչված ծեսը՝ շան զոհաբերությամբ, և հին գերմանական Օդհին-Վոտան ռազմի աստծուն՝ մարդկանց հետ շուն կամ գայլ զոհաբերելու ծիսական սովորույթը: Օդհինի ինքը, հնդկական Ցամայի նման, պատկերացվում էր զույգ գայլերի (Geru և Freki)՝ իբրև նրա հավատարիմ շների ուղեկցությամբ: Օդհինի պինդորենը կոչվում էին «գայլեր» կամ «շներ»: Շան զոհաբերության ծիսական սովորույթը տարածված է եղել հին Փոքր Ասիայում (Ալաշա Հույուք և այլուր)¹⁷:

Շան թաղման վերոհիշյալ երկու դեպքերը, կարծում ենք, թե՛ ժամանակագրորեն և թե՛ ծիսահավատալիքային առումով տարբերվում են միմյանցից, թեպետ հետագայում երկու ձևերն էլ միասնառնվել են և դարձել համաժամանակյա: Նախնականն, ըստ երևույթին, զոհաբերված շների թաղումներն են, որոնց արձագանքը գտնում ենք հեթիթական գրավոր ավանդության մեջ, իսկ բուն առարկայական վկայությունները՝ մ. թ. ա. II հազարամյակի երկրորդ կեսով թվագրվող Արթիկի և առավել ուշ շրջանի միջինասիական այն թաղումներում, ուր գլխատված-զոհաբերված շան գլուխները կամ ծնոտները թաղվել են առանձին դամբարաններում՝ ծիսական անոթների մեջ կամ դրանցից դուրս:

Որ շան զոհաբերությունը առանձին ծիսակարգի արդյունք է և սկզբնապես կապ չի ունեցել մեռելների թաղման արարողության հետ՝ երևում է և՛ հեթիթական ավանդությունից, և՛ հռոմեական լուպերկալիա ծեսի տրվյալներից: Ըստ երևույթին այլ է եղել նաև այդ ծիսական արարողության հավատալիքային հիմքը: Այդ ծեսի հավանական հետնագույն արձագանքներից են վախի դեմ ուղղված կամ էլ շան հարձակումից զերծ պահելու համար ասվող հայկական հմայական աղոթքի հետևյալ բանաձևերը.

Մե շունրմ կէր, պերան լըկէր,

Աստվածամոր որդի մը կէր,

Կալեր, կապեր, վեր մի չիղեր¹⁸,

Քրիստոսն իկավ աշխարհ՝ շանը անգլուխ տեսավ¹⁹:

Նարերված չորս դեպքերը թվագրվում են մ. թ. I—III դդ. (տե՛ս В. А. Лятовянский, А. В. Седов. Указ. соч., с. 161—162),

¹⁶ Տվյալները սիրով մեզ հաղորդեց Շիրակավանի արշավախմբի պետ, հնագետ Յ. Տեր-Մարտիրոսովը:

¹⁷ Մանրամասները համապատասխան գրականությամբ և աղբյուրներով տե՛ս В. В. Иванов. Древнебалканский и общендоевропейский текст мифа о герое убийце пса и евразийские параллели—Славянское и балканское языкознание. М., 1977, с. 188—199.

¹⁸ Ազգագրական հանդես. գիրք XXVI, Քիֆլիս, 1916, էջ 202:

¹⁹ Բանահավաք Կ. Սահակյանի քրառամաններից, լեռնականի «Կոմայրի» արգելոց թանգարան:

Անգլուխ կամ անբերան շան այս պատկերն, անշուշտ, հինից է գալիս, րստ երևույթին՝ ղոհաբերված-գլխատված շան պատկերացումից և խորհրդանշում է վախազերծման գաղափարը:

«Ահ ու երկուղը» (ահ ու սարսափ) կամ «ահ ու դողը» հին հեթեթական և հունական ավանդություններում հանդես են գալիս իբրև անձնավորված աստվածություններ կամ ոգիներ, կապված արեգակնային աստվածության հետ, որոնց դեմ կիրառվել են հմայական հատուկ բանաձևեր²⁰: Բացառված չէ, որ շան ղոհաբերումը (հմմտ. հայերեն սպանդ—զոհաբերում, սպանում, ավաստ. spā(n)- շուն, spanā- սպանություն) կապված լինի կյանքին սպառնացող մահվան ու սարսափի վերացման հետ (հմմտ. արևելյանը խորհրդանշող արևի աստծուն ուղեկցող ահ ու սարսափի հին հեթեթական և հունական պատկերացումների հետ):

Այս հիմունքով ենթադրելի է հնարավորությունն այն իրողության, որ շան, իբրև հոգեառի և մահվան անձնավորման, ղոհաբերության հետ կապված մահվան ահ ու սարսափի սպառնալիքի վերացումը: Այս ենթադրության օգտին են խոսում հայ և իրանական ուշ շրջանի ավանդության մեջ ոռնացող շներին հալածելու կամ ծեծելու սովորույթը: Երբ շունը երկինք նայելով՝ ոկսում էր ոռնալ, հավատում էին, թե տանեցիներից մեկը կմեռնի՝ կամ շունը հոգեառին է տեսել, որը գալիս է տանտիրոջ հոգին առնելու կամ էլ տանը որևէ դժբախտություն կարող է պատահել: Տաշիկները հավատում էին անգամ, թե շունը, կանխազգալով տան վրա գալիք դժբախտությունը, ոռնոցով դիմում է աստծուն, որ այդ դժբախտությունն իրեն փոխանցի, այսինքն՝ ինքը ռոհ դառնա: Շան ոռնալը համարվում էր մահվան նախանշան և մարդկանց համակում մոտալուտ մահվան ահ ու սարսափով: Ուստի ոռնացող շանը ծեծում էին, հալածում, հայհոյում, իսկ տաշիկները հատուկ խփում էին ոռնացող շան բերանին, հետո էլ մի ամբողջ հաց տալիս նրան²¹: Սա փաստորեն պայթար էր մահվան մոտալուտ ահ ու սարսափը մարմնավորող ոռնացող շան դեմ՝ մոտեցող մահը կանխելու համար, որ հնում կարող էր ավարտվել շան ղոհաբերությամբ:

Շան ղոհաբերության մեկ այլ հետնագույն արտահայտություն է հայոց մեջ պահպանված հետևյալ սովորույթը. Բուլանբխում, երբ կատաղած շունը մարդ էր կծում, բռնում էին կծող շանը, երկու կես անում և կծած մարդուն շան մարմնի երկու մասի մեջտեղից անցկացնում²²: Հմմտ. մեռելներին թաղելիս շանը մեջտեղից կիսելու հին սկանդինավյանների սովորույթի հետ²³: Շանը երկատելու և մեջտեղից անցնելու ծիսական այս սովորույթը վկայված է թե՛ հունամականդոնական և թե՛ հարավ-արևելյան ու հյուսիս-արևելյան ֆրիկյան ցեղերի ավանդության մեջ: Երկատված շան մեջտեղից անցնելու արարողությունը, մասնագետների կարծիքով. (Ռոբերտսոն Սմիթ, Ջեյմս Ֆրեյզեր), հետապնդել է ծիսական հանդիսավոր մաքրագործման կամ առավել որոշակի՝ պահպանության նպատակներ²⁴:

Բացի այդ, հին ավանդությունից են, հավանաբար, սերում տարբեր լեզուներում գործածվող «ահա թե որտեղ է թաղված շան գլուխը», «Вот где зарыта собака» ասույթները, որոնք թեպետ վերածվել են փոխաբերական դարձվածների, բայց իրենց բուն իմաստով առնչվում են շան ղոհաբերման ու թաղման ծիսական հնագույն սովորույթի հետ: Հիշյալ դարձվածներն ասվում են որևէ բանի, գաղտնիքի, մտքի էությունը, պատճառը հայտնա-

²⁰ Sht. В. В. Иванов. Чатал-Гююк и Балканы: Проблемы этнических связей и культурных контактов.—Валсапис, Лингвистические исследования. М., 1979, с. 15—17.

²¹ Sht. Ազգագրական հանգես. Ա գիրք, Շուշի, 1895/96: էջ 358: Բ. Ա. Литвинский, А. В. Седов. Указ. соч., с. 163.

²² Ազգագրական հանգես. 2 գիրք, Քիֆլիս, 1900, էջ 51.

²³ Б. А. Литвинский, А. В. Седов. Указ. соч., с. 163—164.

²⁴ Джеймс Фрезер. Фольклор в Ветхом завете. М., 1985, с: 182—184.

րերելու կամ րացահայտելու առիթով, հետևաբար և ուղղակի իմաստով ակնարկում են այն իրողությունը, որ հնում շան կամ նրա գլխի թաղումը եղել է ծիսական գաղտնի արարողություն. ըստ երևույթին զոհաբերված շան թաղումը կատարվել է զոհաբերման արարողության մասնակիցներից գաղտնի, իրրե տաբուավորված ծիսահայտական գործողություն: Իսկ այն դեպքերը, որ շունը կամ շները թաղված են մարդու հետ միասին, երևան են գալիս համեմատաբար ուշ անտիկ ժամանակաշրջանում և առնչվում են մարդու թաղման ծիսական արարողությունների՝ առասպելաբանական այլ հավատալիքների հիման վրա: Մարդկանց հետ շուն կամ շներ թաղելու ծիսական սովորույթն աներկբալորեն հավաստում է հնդիրանական և վաղ հայկական առասպելաբանական պատկերացումները շան, իբրև անդրաշխարհում հոգիների ուղեկցի, հոգիների պահապանի, հոգեմարի հավատալիքի գոյությունը: Իսկ ուշ շրջանի այն թաղումները, որ մարդու կողքին կամ գլխատակին հանդիպում են զոհաբերված շան կամ շների գլուխներ, վկայում են այն մասին, որ շան առանձին զոհաբերման հնագույն սովորույթը հետագայում կապվել է թաղման ծիսական արարողությունների հետ և ըստ այդմ նոր իմաստավորում ստացել: Այդ առումով ուշագրավ է մեռելների հետ շուն զոհաբերելու հին սկանդինավների սովորույթը, որ հատկապես ի հայտ է եկել վիկինգների պեղված դամբարաններում թաղման նավակների մեջ շան կամ մի քանի շների, հաճախ անգլուխ կմախքների, առկայությամբ²⁵:

Շան, իբրև մահվան թագավորության պահապանի, հոգեառ-հոգեմարի կամ հոգիների առաջնորդ-ուղեկցի առասպելաբանական ընկալումն ու պատկերացումը հայ հին ու նոր բանավոր ավանդության մեջ ունեցել է և ունի իր տարրեր դրսևորումները: Մեկը վերևում արդեն քննված Առնակ շնակերպ հոգեառն է կամ գուցե նրա «առնակավոր շուն» կոչված ուղեկից-օղնականներն են: Մյուսը՝ հայոց հին ավանդության մեջ Մասիսի վիհում բանտարկված Արտավազդի շղթաները լիզող (կրծող) շներն են և Արային լիզելով հարություն տվող շնակերպ կամ շնածին առեղ-արալեզ-յարալեզները: Ըստ Եղնիկի՝ «Ջառնիլն ի շանէ, զոր արալեզն կոչեն»²⁶: Մասիսի վիհում արկելափակված (իմա՝ թաղված) Արտավազդի շղթաները լիզող շներն ու Արային լիզող արալեզները միևնույն նպատակն են հետապնդում՝ ի արտահայտություն մահվան կապանքներից ազատ արձակելու, հարություն տալու պաղափարի²⁷: Նշանակում է՝ շան առասպելաբանական կեր-

²⁵ Sб'у Б. А. Литвинский, А. В. Седов. Указ. соч., с. 163—164.

²⁶ Եղնիկի Կողբացի. Եղծ աղանդոց. Թիֆլիս, 1914, Ա, իդ, էջ 69—70:

²⁷ Գևորգ Երեմյանի միջնադարում վանական վարդապետն էր նշում Արտավազդի շղթաները լիզող շների և յարալեզների ընդհանրությունը՝ գրելով. «Եւ երկու շունք սեպվ և սպիտակ՝ յարլեզուն դկապանս նորա (Արտավազդի—Ս. Հ.): Այս է Յարալեզ առասպելն որ առեւ, թէ երկուսի կապանքն տէրէմտին (իմա՝ տարեմտին) ի մազն եկած լինի. եւ թէ կտրի՝ արտաքս ելանէ զաշխարհս» (ընդգծումներն իմն են—Ս. Հ.) (Գր. Халатянц. Армянский эпос в Истории Армении Моисея Хоренского. Ч. II. Материалы. М., 1896, с. 75): Թեպետ վանական վարդապետը Յարալեզ անունը ժողովրդական ստուգաբանությամբ բխեցնում է «յար լեզու» մակդիրավոր բայից. բայց իր խոսքի շարունակության մեջ («...թէ երկաթի կապանքն տէրէմտին ի մազն եկած լինի և թէ կտրի՝ արտաքս ելանէ զաշխարհս») ակնարկում է Արտավազդի շղթաները լիզող շների և յարալեզների ֆունկցիոնալ ընդհանրությունը, իբրև հարություն տվող էակների՝ նկատենք նաև հետևյալը. թե՛ վանական վարդապետի և թե՛ միջնադարյան երկու այլ աղբյուրներում՝ Կիրակոս Արևելցու և Գրիգոր Նյաթեցու մոտ Արտավազդի շղթաները լիզող շներից մեկը օն է, մյուսը՝ սպիտակ: Շների այս տարազույն սիմվոլիկան խորհրդանշում է շների առասպելաբանական երկվական բնույթը. սև շունը խորհրդանշում է կապը թմե ու մութ աշխարհի, այն է՝ մահվան թագավորության հետ (որի մեջ է գտնվում Արտավազդը), իսկ սպիտակ շունը սիմվոլացնում է կապը լույս աշխարհի, այն է՝ կյանքի հետ, այսինքն՝ հարության, որին ձգտում էր Արտավազդը և նրա կապանքները լիզող Սպիտակ շունը: Յա մեր առասպելաբանության մեջ շների երկվական ֆունկցիոնալ ցայտուն արտահայտությունները մեկն է, որ ասորե կտեսնենք այլ օրինակներով ևս:

տող իդիդայի օգնական Անուրիս շան և թե՛ Շամիրամի՝ արալեզների օգնությամբ Արային հարություն տալու առասպելաբանական պատկերացումներում:

Շան այս երկակի առասպելաբանական ֆունկցիան՝ մերթ իբրև հոգեառ, հոգեկիր, հոգիների առաջնորդ, կապված մահվան թագավորության՝ ստոր-երկրյա աշխարհի հետ, մերթ իբրև երկնքից իջնող, կոչում ընկած դյուցազ-ներին լիդող՝ հարություն տվող կամ արքայազներին սնուցող ու հովանավորող կամ էլ մարդկանց՝ երկնքի միջոցով ապրուստի միջոցներով ապահովող (իմա՝ կյանք պարգևող), վկայում է շան առասպելաբանական կերպարի միջ-նորդային դերը երկնքի, երկրի և ստորերկրայքի, կյանքի ու մահվան, այսր-աշխարհի և անդաշխարհի միջև: Նա և՛ մահացնող է, և՛ հարուցող՝ հարու-թյուն տվող, կյանք պարգևող³⁴:

Եվ շան պաշտամունքի այս երկակի բնույթով էլ պետք է մեկնաբանել դամբարաններում շներ թաղելու ծիսական սովորույթը, որպես արտահայտու-թյուն ստորերկրյա աշխարհում շան՝ իբրև հոգիների և՛ ուղեկից-առաջնորդի, և՛ մեռելներին հարություն տվողի:

Մխիթար Գոշի վկայությամբ միջնադարյան Հայաստանում երդման ու-րացության ձևի մեջ են մտել շան պոչը բռնելով («զշան դձետոյ ունել») կամ ձեռը ոսկոր առնելով («մսկր ի ձեռսն առնուլ») երդվելը, որ, ինչպես իրավա-ցիտրեն գտնում են, նշանակում է «անդրշիրիմյան կյանքի սպառնալիքն ըն-դունել», այսինքն՝ իր հոգին շանը հանձնել, այլ կերպ ասած՝ մեռնել, եթե իր ասածը ճիշտ չէ³⁵: Այդ են վկայում հայոց բանավոր ավանդության մեջ ցարդ գոյատևող «շան հոգի», «հոգիդ շներուն տամ», «հոգիդ շուն դառնա», «շան փայ ու բաժին էղնիս», «շներոց էղնիս», «շան օրոգայթ» անեծք-պարսա-վանքները (հմտ. գուգահեռ ձևերը՝ «սատանի հոգի», «դիվու հոգի», «սա-տանի փայ», «սատանի բաժին», «դժոխքի բաժին», «սատանոց էղնիս», «սա-տանի օրոգայթ» և այլն³⁶), որոնց մեջ նկատի է առնվել շան ոչ թե իրական-առօրեական, այլ առասպելաբանական ընկալումը, իբրև մահվան չար ոգու, հոգեառ-հոգետարի հավատալիքն ու պատկերացումը՝ վերածված դրանց նախնական իմաստը հաճախ ասացողների կողմից այլևս չգիտակցվող լեզ-վադարձվածային կաղապարների:

34 Ի դեպ, մոտավորապես նման մի եզրակացության է հանգել նաև Բ. Շերաթը իր „Der Hund bei den Indogermanen“ աշխատության մեջ: Ավելորդ չէ առաջ բերել Շերաթի այդ կարծիքը բոտ մեր օգտագործած աղբյուրի. «Շան սերտ կապը» հնդեվրոպացիների լիազման արարողության հետ» անվիճելի է: Շունը առասպելաբանության մեջ գտնվում է «կյտնի ու մահվան, այս և այն աշխարհի, մարմնականի և հոգեորի միջև, Նա հանդես է դալիս իբրև միայնակ և զույգ, սև ու սպիտակ, արև ու լուսին» (B. A. ЛИНТВИНСКИЙ, А. В. Седов. Указ. соч., с. 163): Շերաթի այս եզրահանգման միանգամայն արդարացի-հիմունքներից մեկն էլ հավատալիքային հետևյալ իրողությունն է, որ առկա է հնդեվրոպա-ցիների, ինչպես ինքն է նշում՝ բրետոնցիների, ուելսցիների, իռլանդացիների և հայերի պատկերացումներում: Ըստ այդմ՝ մեռելների լճանգատացող (ավելացնենք՝ այլադավանե-րի, մեղսագործների, չօժվածների—Ս. Հ.) հոգիները լեն ընկնում անդրաշխարհ, այլ հաճախ շան կերպարանքով մնում են այս ու այն աշխարհի միջև, աղչամուղչին կամ լուսնյակ գե-շերները ճանապարհների խաչմերուկներում (ավելացնենք նաև՝ գերեզմանոցների կողքին—Ս. Հ.) միջանցիկ աշխարհից հանկարծ դուրս են գալիս երկիր և այս կամ այն կերպ ներ-գործում մարդկանց վրա, հաճախ վախեցնում նրանց (տե՛ս B. A. ЛИНТВИНСКИЙ, А. В. Седов. Указ. соч., с. 162—163. Հմտ. Մ. Արևիկյան. Երկեր. հ. է, Երևան, 1975, էջ 17—18; Мифы народов мира. Т. I, с. 316 «Горнапштыкнер» հոդվածը): Ուրվականների կամ գոռնափշտիկների շնակերպ պատկերացումների արտահայտություններից են «հոգիդ շուն դառնա» կամ «շեն հոգի» հայկական անեծքները (մեր գրառումներից):

35 Գր. Շեր-Պոդոսյան. Նախնի հայոց հոգեպաշտության շրջանից, էջ 236: Աղ. Մա-տիկյան. Շունը դիցաբանության մեջ.—«Հանդես ամսօրյա», Վիեննա, 1926, էջ 160:

36 Իմ անձնական գրառումներից:

Այսպես, տեսնում ենք, որ հալոց մահվան առասպելաբանական պատկերացումներում ու հավատալիքներում առկա են շան կերպարի ու գործելակերպի գրեթե նույն ընկալումները, ինչ հնդիրանական և արևմտաեվրոպական ժողովուրդների համանման պատկերացումներում:

Հոգեհոգի նաև հոգեհոգի շն պատկերացումներից մեկը եղել է շնակերպ, որ երևան է գալիս Առնակ հոգեհոգի ինչպես ստուգաբանական իմաստի (շնագայլ), այնպես էլ «առնակավոր շուն», «առնակային շներ» կամ «դժոխի առնակավորներ» դարձվածներում: Վերջինս ղուգամիտվում է հին անգլիական գրավոր ավանդության մեջ պահպանված Օդհինին ուղեկցող գայլերին տրվող hellehundes—դժոխքի շներ անվանմանը³⁷: Այս հավատալիքն ու պատկերացումը իմաստավորվում, խորանում և ընդլայնվում են հնդիրանական, մասամբ և արևմտահնդեվրոպական, համապատասխան հավատալիքներին զուգորգելիս, որոնց շնորհիվ հնարավոր է դառնում մերակազմել հին հալոց մահվան առասպելաբանական ընկալումների մեջ շան ունեցած դերի առավել լրիվ ու ամբողջական պատկերը: Դրան մեծապես նպաստելու են գալիս հին Փոքր Ասիայում, այդ թվում Հայկական լեռնաշխարհում, Կովկասում, Միջին Ասիայում և Սկանդինավիայում հայտնաբերված հնդեվրոպական ցեղերի շան զոհաբերության և շներով թաղման հնագիտական, մասամբ և գրավոր տվյալները, որոնք վկայում են հին հնդեվրոպացիների մահվան և թաղման ծիսակարգում ու առասպելաբանական հավատալիքներում շան ունեցած դերի և նշանակության մասին: Մյուս կողմից շան նկատմամբ եղած հին հայկական հավատալիքները վնասում են, որ շներին կամ շնակերպ էակներին (Արտավազդի շներին, արալեղներին) վստողրվել է նաև մեռելներին հետոթյուն տալու հատկանիշ, երկնքի, երկրի և ստորերկրյա աշխարհի միջև սիշնորդի գեր, անգամ մարգկանց հացով ապահովելու կուլտուրական ֆունկցիա, որ գարծյալ առնվում է Արալի, իրրև հաակային աստվածության հարության գաղափարի հետ:

СТРАНИЦА ИЗ АРМЯНСКОЙ МИФОЛОГИИ

Доктор филол. наук С. Б. АРУТЮНЯН

Резюме

В статье на основе фольклорно-этнографических и археологических сравнительных материалов реконструируется функция собаки в ритуально-мифологических представлениях древних армян. В них собаки выступают в двойной мифологической функции: как отнимающие и сопровождающие души умерших в подземелье (царство мертвых), иногда и воплощающие саму душу мертвеца, а также как спускающиеся с небес души, воскресающие погибших героев; или же как покровители малолетних царевичей и с помощью неба обеспечивающие людей жизненным благом—хлебом. Эта двойственности определяет и медиативный характер собаки как посредника между тремя частями мироздания—небом, землей и подземельем, что выражается также и в соответствующей цветовой символике (черная и белая собаки, грызущие цепи Артавазда в подземелье), что в основном идентично общендоевропейским мифологическим представлениям о собаке.

³⁷ Տե՛ս Բ. Ա. Լիտвинский, А. В. Седов. Указ. соч., с. 164.